fauuages mesme, ce fut francois de sales de la pieté de qui ie vous ay desia escrit les années precedentes qui donna ces pains benits le Iour de La feste de son patron; il en presenta deux forts grands, cestoit tout ce quil pouuoit porter et les distribua apres à tous les fauuages auec vne modestie et vn ordre admirable. apres que tous nos fauuages eurent passé presque toute la matinée de La feste a LEglise ie leur sis le festin pour La feste. toute La Devotion ne se termina pas a La feste elle dura plusieurs Iours, et depuis deux mois que la feste est passée ie trouue quils ne fe font point relachez dans leur ferueur. vous voyez mon R. P. que ie garde exactement dans ce narré ce que vous mauez tefmoigné fouhaitter, entrant dans le detail des petites deuotions de nos pauures sauuages comme ie les voys tous depuis huict ou neuf mois que ie vous efcriuis dans le mesme train et dans les mesmes exercices de pieté que ie vous marquois au long ie ne vous les repetray pas icy ie vous diray feulemt. que nostre Mission est encore augmentée de beaucoup de Chretiens depuis Lan passé, et que Iadmire Continuellement comme ils fe forment en fy peu de temps les vns fur les autres fans quon ait prefque aucune peine a leur faire prendre les plus gds. fentimens dvn veritable Chrestien. Sytost quils ont esté baptisez ils me viennent demender auec empressement de les Confesser et ils me paroissent faire aussy bien tous les actes requis a ce facremt. comme fil y auoit plufieurs années quils fe Confessafent. il y en a entrautres qui dabord apres leur baptesme se sont portez a tous les exercices de pieté auec vne ferueur admirable Sebastien